



CONVENIO DE COLABORACIÓN ENTRE A CONSELLERÍA DE CULTURA, LINGUA E XUVENTUDE DA XUNTA DE GALICIA E O CONCELLO DE FOLGOSO DO COUREL PARA A REALIZACIÓN DUNHA ACTUACIÓN ARQUEOLÓXICA DE ESCAVACIÓN, CONSOLIDACIÓN E ACONDICIONAMENTO DO XACEMENTO ARQUEOLÓXICO DE PENA DO CASTRO - GA27017008 (FOLGOSO DO COUREL, LUGO), CAMPAÑA 2025

MEMORIA TRANSPARENCIA

María del Carmen Martínez Ínsua, directora xeral de Patrimonio Cultural da consellería de Cultura, Lingua e Xuventude,

DECLARA:

Que esta dirección xeral de Patrimonio Cultural pretende formalizar co Concello de Folgoso do Courel, o instrumento convenial arriba referido por un período de vixencia que abrangue dende a súa sinatura ata o 30 de outubro de 2025.

Que o instrumento convencional ten por obxecto:

É obxecto do presente convenio regular as bases de colaboración entre a Consellería de Cultura, Lingua e Xuventude da Xunta de Galicia e o Concello de Folgoso do Courel, para a dunha actuación arqueolóxica de escavación, consolidación e acondicionamento do xacemento arqueolóxico de Pena do Castro, (Folgoso do Courel, Lugo).

Que existe converxencia de intereses entre as entidades asinantes en orden á consecución do obxecto referido.

Que o instrumento convenial que se pretende asinar se fundamenta no seguinte:

O xacemento arqueolóxico de Pena do Castro sitúase preto do lugar de Vilamor, na parroquia de San Vicente de Vilamor, no concello lucense de Folgoso do Courel.

A nivel de protección este sitio arqueolóxico ten a condición de ben catalogado do Patrimonio Cultural de Galicia en base ao artigo 30 da Lei 5/2016, do 4 de maio, do Patrimonio cultural de Galicia, xa que forma parte do catálogo de bens culturais do Plan Básico Autonómico aprobado polo Decreto 83/2018, de 26 de xullo (DOG núm. 162, do 27.08.2018) co GA27017008.





Trátase dun asentamento marcadamente fortificado, sito no val do río Lor nunha localización óptima para o control do territorio e definida pola súa inaccesibilidade e o seu reducido espazo. Este xacemento destaca polo seu sistema defensivo, caracterizado por toda unha serie de pedras fincadas conservadas entre os fosos para impedir o acceso ao interior. A pesar destas características, non se pode asegurar que esteamos ante un asentamento tipo castrexo da Idade do Ferro, xa que pode ter outro tipo de ocupación relacionada coa explotación mineira do ouro xa na época romana. Por outra banda, este xacemento practicamente quedou calcinado polo incendio que sufriu esta zona do Courel no ano 2022 o que provocou a destrución de toda a cobertura vexetal, o que permite que na actualidade teña unha mellor accesibilidade de cara a súa investigación e tamén para levar a cabo traballos de conservación e acondicionamento.

Tendo en conta os valores culturais que posúe o xacemento arqueolóxico de Pena do Castro, a Dirección Xeral do Patrimonio Cultural e o Concello de Folgoso do Courel consideran necesario realizar neste ano 2025 traballos arqueolóxicos de escavación, consolidación e acondicionamento para afondar no coñecemento deste sitio arqueolóxico e así avanzar na súa investigación e caracterización cronolóxica e funcional; e tamén para favorecer a súa posta en valor, converténdoo nun recurso turístico-cultural da zona do Courel.

Estes traballos faranse con metodoloxía arqueolóxica e serán dirixidos por un/ha arqueólogo/a que cumpra os requisitos esixidos polo Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia.

Ademais da propia intervención arqueolóxica, tense previsto levar a cabo diferentes accións de divulgación dos traballos arqueolóxicos realizados nas que se fará constar a colaboración e financiamento da Consellería de Cultura, Lingua e Xuventude.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente conxenial.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustifico o recurso á sinatura do convenio que se pretende, con exclusión doutras figuras.

E para que conste, asínase esta memoria.

